

INUIT ATAQATIGIIT

Inatsisartuni



UKA 2018/103
5. november 2018
Sofia Geisler

Inuussutissanik allagartalersuisarneq pillugu Namminersornerullutik Oqartussat nalunaarutaanni nr. 1-mi, 2. februar 1994-imeersumi § 11 imm. 2 nummer 1-p allanngorteqqullugu Naalakkersuisut peqquneqarnissaanik Inatsisartut aalajangiiffigisassaattut siunnersuut, nalunaaqutsersuisarneq aamma tuluttut pisinnaangortillugu.

(Inatsisartunut ilaasortaq Steen Lyngge, Demokraatit)

Inatsisartunut ilaasortap Steen Lyngep siunnersuutaanut qujanaq.

Nalunaarummut 1994-meersumut ilassutaasoq takugaanni takuneqarsinnaavoq Nalunaarummut ilanngussap nutaajunnginnera, naleqqussarneqartariaqarneralu nalunangilaq.

Nioqqutissat allagartalersorneqartarnerat pillugu piumasaqaatit nutaamik nalilersorneqartariaqarnerannut piffissanngortoq isumaqatigaarput, illuatungaani inatsisitigut tunngaviusup tamakkiisumik isiginnilluni nutarterneqarnissaa innersuussutigalugu, ullutsinnut naleqqussarneqarnissaa pisariaqarpassivimmat.

Nalunaarut nr. 1, 2. februar 1994-meersup toqqammavigaa Inatsisartut inatsisaat nr. 10, 13. november 1986-imeersoq, kingorna taarserneqartoq tuniniaanissamik nittarsaassisarneq aamma nalunaaqutsersuisarneq pillugu Inatsisartut inatsisaannik nr. 39, 9. december 2015-imeersumik.

Taamaattumik Nalunaarut 1994-meersup nutarterneqarnissaa pisariaqavippasimmat innersuutigissavarput Inatsit 2015-meersoq aallaavigalugu nutaamik nutartikkamillu Nalunaarusiortoqarnissaa.

Pingaaruteqarpoq Nalunaarut suliarineqassasoq pisiniarfinnut pisarissersuutaatinnagu. Illuatungaatigulli aamma pingaaruteqarpoq qulakkiissallugu assersuutigalugu pisisartut sinniisaasa isumasiorneqarnissaat, pissutsimmi 1994-miit maannamut allanngorsimapput, pingaartumik assigiinngitsutigut sapigaqartarneq eqqarsaatigalugu pisariaqarsinnaalluni nioqqutissiat kalaallisut nalunaaqutsersuisoqartarnissaat. Nioqqutissat ilaat avataaniit tikiisittakkatta, soorlu marmeladit, kalaallisut nalunaaqutsersornissaat ilumut pisiaqarnerasoq, illuatungaani kukkusumik atoraanni

ajutoorutaasinnaasut, kalaallisut allagartalersoneqartarnissaat pisariaqarsinnaalluni. Tamanna pisisartut siunnersuisoqatigiiffiat allallu attuumassuteqartussat peqatigalugit inissineqarsinnaasoq qularutiginnilarput.

Nalunaaqtsersuineq kisiat pinnagu nalunaarutip inatsisillu tunngaviusup ataatsimut isiginnilluni nalilersoqqinneqarnissaa innersuussutigalugu ataatsimiititaliamut attuumassuteqartumut ingerlaqqinnissaa matumuuna innersuussutigivarput.

Qujanaq.